



Broj: 12-11-15-806/23  
Sarajevo, 3. 3. 2023. godine

A.K.  
A.K.

Na osnovu člana 69. stav (2) tačka d) i člana 70. Zakona o javnim nabavkama („Službeni glasnik BiH“, broj 39/14 i 59/22) i preporuke Komisije za provođenje postupka nabavke kancelarijskog materijala putem konkurentskog zahtjeva za dostavu ponuda, za potrebe Ureda za reviziju institucija u Federaciji BiH za budžetsku 2023. godinu (obavještenje o nabavci broj: 296-7-1-3-3-5/23 objavljeno na Portalu javnih nabavki 8. 2. 2023. godine) date u Zapisniku o pregledu i ocjeni ponuda, broj: 12-11-15-418-10/23 od 3. 3. 2023. godine, generalni revizor donosi

## ODLUKU

### o poništenju postupka javne nabavke kancelarijskog materijala

#### I

U postupku javne nabavke kancelarijskog materijala za potrebe Ureda za reviziju institucija u Federaciji Bosne i Hercegovine za budžetsku 2023. godinu putem konkurentskog zahtjeva za dostavu ponuda, Ugovorni organ donio je odluku o poništenju postupka javne nabavke za LOT 1, LOT 2 i LOT 3, obzirom da nijedna od primljenih ponuda nije prihvatljiva.

#### II

Ova odluka će se dostaviti svim ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove odluke, elektronskom poštom, preporučenom poštom ili neposredno.

#### III

Ova odluka stupa na snagu danom potpisivanja i bit će objavljena na službenoj internet-stranici Ureda za reviziju institucija u Federaciji Bosne i Hercegovine, <http://www.vrifbih.ba/>.

## O b r a z l o ž e n j e

Ured za reviziju institucija u Federaciji Bosne i Hercegovine (u daljem tekstu: Ugovorni organ), u skladu s odredbama Zakona o javnim nabavkama („Službeni glasnik BiH“, broj 39/14 i 59/22), Odlukom broj: 12-11-15-418/23 od 2. 2. 2023. godine, pokrenuo je postupak za javnu nabavku kancelarijskog materijala putem konkurentskog zahtjeva za dostavu ponuda (predmet javne nabavke podijeljen prema lotovima: LOT 1 – obrasci i papiri, LOT 2 – administrativni materijal i LOT 3 – higijenski materijal) za potrebe Ureda za reviziju institucija u Federaciji Bosne i Hercegovine za budžetsku 2023. godinu.

Obavještenje o javnoj nabavci broj: 296-7-1-3-3-5/23 objavljeno je na Portalu javnih nabavki 8. 2. 2023. godine.

Postupak je provela Komisija imenovana Rješenjem generalnog revizora broj: 12-11-15-418-1/23 od 2. 2. 2023. godine, koja je sačinila: Zapisnik o zaprimanju ponuda broj: 12-11-15-418-8/23 od 27. 2. 2023. godine, Zapisnik o otvaranju ponuda od 27. 2. 2023. godine, Analitički prikaz traženih i dostavljenih dokumenata-Kvalifikacija ponuđača broj: 12-11-15-418-9/23 od 2. 3. 2023. godine i Zapisnik o pregledu i ocjeni ponuda broj: 12-11-15-418-10/23 od 3. 3. 2023. godine, u kojem je navedeno:

„Na protokol Ugovornog organa pravovremeno su pristigle slijedeće ponude ponuđača: SVJETLOST-BH PRINT d.o.o. Sarajevo za LOT 1, AERO-EXCLUSIVE d.o.o. Sarajevo za LOT 3, R&S d.o.o. Sarajevo za LOT 1 i LOT 2 i SVJETLOSTKOMERC d.d. Sarajevo za LOT 1.

Iz analitičkog prikaza traženih i dostavljenih dokumenata konstatuje se:

- I. Ponuda SVJETLOST-BH PRINT d.o.o. Sarajevo za LOT 1 je neprihvatljiva iz sljedećih razloga:
  - a) Ponuđač nije dostavio:

- *Uvjerenje o poreskoj registraciji sa identifikacionim brojem (izdato od nadležne poreske uprave u Bosni i Hercegovini) koje je traženo u tački 6.3. pod b) i tačkom 7.5. Tenderske dokumentacije,*
  - *Uvjerenje o registraciji obveznika poreza na dodanu vrijednost sa identifikacionim brojem (izdato od Uprave za indirektno-neizravno oporezivanje Bosne i Hercegovine) koje je traženo u tački 6.3. pod c) i tačkom 7.5. Tenderske dokumentacije.*
- b) Uzorci nisu dostavljeni prema zahtjevima traženim u Tenderskoj dokumentaciji:
- Za stavke 16. i 17. za LOT 1 dostavljeni su uzorci rokovnika A4 i A5 u kojima nije vidljiv adresar (sve stranice rokovnika unutar vanjskih korica su potpuno bijele). Shodno Tehničkoj specifikaciji za stavku 16. i 17. trebalo je dostaviti: rokovnike A4/A5 sa adresarom, bijeli papir, vanjskih korica u srebrnoj, plavoj i crnoj boji, izrađenih od materijala pogodnih za sito štampu, suhi žig ili UV štampu, minimalno 250 stranica, sa štampom dizajna na prednjoj (naslovnoj) korici. Napomena da se uzorci za stavke pod rednim brojem 16. i 17. u fazi podnošenja ponude dostavljaju se bez štampe dizajna odnosi se, shodno datom opisu, na štampu dizajna na prednjoj (naslovnoj) korici, a ne na stranice unutar rokovnika.
  - Za stavku 18. dostavljeni je uzorak zidnog kalendara u kojem nije vidljivo da su dani vikenda označeni u drugoj boji (svi listovi kalendara su potpuno bijeli). Shodno Tehničkoj specifikaciji za stavku 18. trebalo je dostaviti: trodijelni kalendar min. dimenzija 29,5X60,5 cm sa pokazivačem i kolornom štampom dizajna na zaglavlju kalendara u dimenziji min. 29.5X15,5 cm. Prethodni, tekući i naredni mjesec u tri zasebna bloka sa označenim danima vikenda u drugoj boji. Napomena da se uzorak za stavku pod rednim brojem 18. u fazi podnošenja ponude dostavlja se bez štampe dizajna odnosi se, shodno datom opisu, na štampu dizajna na zaglavlju kalendara a ne na cijeli artikl.
- II. Ponuda ponuđača AERO-EXLUSIVE d.o.o. Sarajevo za LOT 3 je neprihvatljiva jer cijena ponude prelazi procijenjenu vrijednost nabavke odnosno osigurana sredstva Ugovornog organa za nabavku. Shodno članu 2. tačka l) 2) Zakona o javnim nabavkama („Službeni glasnik BiH“, broj: 39/14 i 59/22), neprihvatljiva je ponuda čija cijena premašuje planirana odnosno osigurana novčana sredstva ugovornog organa za nabavku.
- III. Ponuda ponuđača R&S d.o.o. Sarajevo za LOT 1 i LOT 2 je neprihvatljiva iz slijedećih razloga:
- a) Ponuđač nije dostavio:
- *Uvjerenje o poreskoj registraciji sa identifikacionim brojem (izdato od nadležne poreske uprave u Bosni i Hercegovini) koje je traženo u tački 6.3. pod b) i tačkom 7.5. Tenderske dokumentacije,*
  - *Uvjerenje o registraciji obveznika poreza na dodanu vrijednost sa identifikacionim brojem (izdato od Uprave za indirektno-neizravno oporezivanje Bosne i Hercegovine) koje je traženo u tački 6.3. pod c) i tačkom 7.5. Tenderske dokumentacije.*
- b) Uzorci nisu dostavljeni prema zahtjevima traženim u Tenderskoj dokumentaciji:
- Za stavku 17. dostavljeni uzorak u srebrnoj boji ne odgovara formatu koji se shodno Aneksu III – Tehnička specifikacija za LOT 1 nabavlja u okviru stavke 17. Tačkom 6.4. pod a) Tenderske dokumentacije je, između ostaloga, zahtijevano: „Uzorci se dostavljaju prema zahtjevima traženim u Tehničkoj specifikaciji - Aneks III.“
  - Za stavku 18. dostavljeni je uzorak zidnog kalendara u kojem je samo jedan dan vikenda označen u drugoj boji. Shodno Tehničkoj specifikaciji za stavku 18. trebalo je dostaviti: trodijelni kalendar min. dimenzija 29,5X60,5 cm sa pokazivačem i kolornom štampom dizajna na zaglavlju kalendara u dimenziji min. 29.5X15,5 cm. Prethodni, tekući i naredni mjesec u tri zasebna bloka sa označenim danima vikenda u drugoj boji.
- IV. Ponuda ponuđača SVJETLOSTKOMERC d.d. Sarajevo za LOT 1 je neprihvatljiva iz slijedećih razloga:
- a) Ponuđač nije dostavio:
- *„Izjavu da će isporučiti robu kvaliteta i karakteristika traženih u tehničkoj specifikaciji Aneksa III, nakon dodjele ugovora sukcesivno u skladu sa potrebama ugovornog organa. Za pojedinačno naručene količine, isporuka odmah po zaprimanju narudžbenice, a najkasnije u roku od pet dana“* koja je tražena u tački 7.10. Tenderske dokumentacije,

- „Izjavu da prihvata rok plaćanja do 60 dana nakon prijema ispravne fakture za isporučenu robu u skladu sa zahtjevima iz tenderske dokumentacije, putem Jedinственог računa trezora – Federalnog ministarstva financija/Federalnog ministarstva finansija“ koja je tražena u tački 7.11. Tenderske dokumentacije.
- b) Izjava ponuđača o periodu važenja ponude nije data u skladu s tačkom 5. Tenderske dokumentacije kojom je zahtijevano: „Vremenski period važnosti ponude je 60 dana računajući od krajnjeg roka za podnošenje ponuda“. U Izjavi ponuđača - Aneks II ponuđač je naveo da ponuda važi do 24. 04. 2023. godine što nije 60 dana računajući od isteka roka za prijem ponuda - 27. 2. 2023. godine. Uočeno je da su u tački 3. Izjave ponuđača – Aneks II uneseni podaci o cijeni ponude i za LOT 2 iako ponuđač nije dostavio ponudu za LOT 2.
- c) U Nacrtu ugovora u članu 3. nije upisana cijena ponude na mjesto predviđeno za to. Tačkom 9. Tenderske dokumentacije između ostaloga traženo je: „Ponuđači su dužni uz ponudu dostaviti Nacrt ugovora u koji su unijeli podatke na način da su popunili sva predviđena mjesta u Nacrtu, te isti potpisali.“
- d) Uzorci nisu dostavljeni prema zahtjevima traženim u Tenderskoj dokumentaciji:
  - Na Popisu/spisku dostavljenih uzoraka nisu navedeni uzroci koji su dostavljeni za stavku 17. (rokovnici A4 sa adresarom). Pored toga, dostavljeni uzorci nisu označeni rednim brojem stavke iz specifikacije. Tačkom 6.3. Tenderske dokumentacije zahtijevano je da „Ponuda treba da sadrži popis dostavljenih uzoraka i svaki uzorak treba biti označen rednim brojem stavke iz specifikacije.“
  - Nisu dostavljeni uzorci za sve artikle koji se nabavljaju u okviru stavke 16. i 17. U Aneksu III – Tehnička specifikacija za LOT 1 u okviru stavke 16. i 17. nabavljaju rokovnici u srebrnoj, plavoj i crnoj boji a ponuđač nije dostavio uzorke za stavku 16. u crnoj boji i za stavku 17. u srebrnoj boji. Navedeno nije u skladu s tačkom 6.4. pod a) Tenderske dokumentacije kojom je, između ostaloga, zahtijevano: „Uzorci se dostavljaju prema zahtjevima traženim u Tehničkoj specifikaciji - Aneks III.“

S obzirom da nijedna pristigla ponuda nije prihvatljiva, u predmetnom postupku javne nabavke, e-aukcija se nije mogla zakazati.

Komisija je odgovornoj osobi Ugovornog organa predložila da u skladu s članom 69. st. 2. pod d) Zakona o javnim nabavkama poništi postupak javne nabavke kancelarijskog materijala za LOT 1, LOT 2 i LOT 3, obzirom da nijedna od primljenih ponuda nije prihvatljiva.

Na prijedlog Komisije Ugovorni organ je donio odluku kao u dispozitivu.

#### **Pouka o pravnom lijeku:**

U skladu s članom 99. i 101. Zakona o javnim nabavkama, protiv ove odluke može se uložiti žalba u roku od 5 (pet) dana od dana zaprimanja.

Žalba se ulaže Ugovornom organu u pisanom obliku neposredno na protokolu ili preporučenom poštanskom pošiljkom.

Žalba se podnosi u dovoljnom broju primjeraka, koji ne može biti manji od 3 (tri).

#### **Dostavljeno:**

- SVJETLOST-BH PRINT d.o.o. Sarajevo;
- AERO-EXCLUSIVE d.o.o. Sarajevo
- R&S d.o.o. Sarajevo
- SVJETLOSTKOMERC d.d. Sarajevo
- u spis predmeta nabavke
- a/a

